


# Vaajlugkub rua Mivnyuas Yau

## Nthuav Tawm



Ntuj  
Ceebtsheej,  
Vaajtsvv  
lub Tsev  
kws Zoo  
Nkauj heev



Tug Sau yog: Edward Hughes

Tug Kus Dluab yog: Lazarus  
Alastair Paterson

Tug Hloov yog: Sarah S.

Tug Txhais yog: Andy Yang

Tug Tsim yog: Bible for Children  
[www.M1914.org](http://www.M1914.org)


©2020 Bible for Children, Inc.

Ntawv Tso Cai: Koj muaj cai muab zaaj nuav kaij lossis luam,  
tsuav yog koj tsi xob muab muag xwb.



Thaum Yexus ua neej nyob huv lub nplajteb nuav  
Nwg qha Nwg cov thwjtim txug Ntuj Ceebtsheej.  
Nwg muab hu ua "Kuv Txiv Lub  
Tsev", hab qha has tas muaj  
ntau lub tsev-luj heev.


Lub tsev-luj yog ib  
lub tsev kws luj-luj  
hab zoo nkauj  
heev.




Ntuj Ceebtsheej luj tshaaj hab zoo nkauj  
tshaaj le txhua lub tsev huv nplajteb nuav.



Yexus has tas, "Kuv moog tu chaw tog koj. Hab yog  
Kuv moog tu chaw tog koj, Kuv yuav rov lug dlua hab  
coj koj moog nrug Kuv nyob."



Yexus yeej moog rua sau Ntuj Ceebtsheej lawm tag,  
tomqaab Nwg sawv huv qhovtuag lug. Thaum Nwg  
cov thwjtim saib ntsoov Nwg, ib tauv fuab lug coj  
Yexus moog ntawm puab lub qhovmuag lawm.






Txij le thaum ntawd lug, cov Ntseeg Yexus ncu  
ntsoov Yexus cov lug cogtseg tas Nwg yuav rov lug  
coj puab. Yexus has tas Nwg yuav rov lug  
sai sai, thaum yug tsi npaaj. Tabsis cov  
Ntseeg kws tuag uantej Nwg rov  
lug nes? Vaajlugkub qha has  
tas puab ncaaj nraim moog  
nrug Yexus nyob.  
Thaum peb ncaim  
lub cev nuav ces

yog peb moog nrug  
tug Tswv nyob.



Tshwmsim, phoo ntawv kawg huv phoo Vaajlugkub,  
qha peb tas Ntuj Ceebtsheej zoo npaum le caag.  
Qhov kws zoo tshaaj plawg le yog tas, Ntuj  
Ceebtsheej yog Vaajtsvv lub tsev. Vaajtsvv nyob  
txhua qhov tabsis Nwg lub  
zwmtxwv yog nyob  
Ntuj Ceebtsheej.



Tej Timtswv hab lwm yaam kws nyob sau ntuj pehawm  
Vaajtswv sau Ntuj Ceebtsheej. Vaajtswv cov  
tuabneeg txhua tug kws tuag hab  
moog nyob sau Ntuj Ceebtsheej  
lawm los ua tuabyaam hab. Puab  
hu nkauj tshwjxeeb qhuas  
Vaajtswv. Nuav  
yog tej lu lug  
ntawm ib zaaj  
nkauj kws  
puab hu:




KOJ YOG TUG KWS TSIMNYOG VIM KOJ LUG  
TXHWV PEB RUA VAAJTSWV LUG NTAWM KOJ  
COV NTSHAAV TAWM NTAWM  
TXHUA TSAAV TUABNEEG  
HAB TXHUA LUB TEBCHAWS  
HAB MUAB PEB TSAA UA  
VAAJNTXWV HAB UA  
POVTHAWJ  
RUA PEB TUG  
VAAJTSWV.  
(Tshwmsim  
5:9)




Nplooj ntawv kawg huv phoo Vaajlugkub qha has tas  
Ntuj Ceebtsheej yog "Lub Nroog Yeluxalees Tshab".  
Nwg luj luj heev, hab muaj lub ntsaa yeej sab sab  
nyob saab nrau. Lub taw ntsaa yeej yog xuas qai  
zeb ci ci hab manixaus kws pum kev tshaab plawg  
lug tsim,

muaj  
xim ntau  
yaam ci  
ntsaa ab.  
Txhua lub  
roojvaag yog  
siv ib lub hlaws  
luj luj lug ua!




Cov roojvaag hlaws ntawd yeej tsi kaw le. Ca peb moog rua huv hab saib muaj dlaabtsi ... UAB! Huv nruab nrog Ntuj Ceebtsheej mas tseem zoo nkauj tshaaj hab. Lub nroog yog siv kub lug ua, zoo le dclaim av. Tej kev los yog siv kub lug ua hab.




Muaj ib tug dlej cawm sav ntshab si hab zoo nkauj heev ndlwg tawm ntawm Vaajtswv lub zwmtxwv lug. Nyob ob saab ntug dlej muaj tsob ntoo kws muaj txuja, kws xwb tshwm nyob huv lub Vaaj Edees. Tsob ntoo nuav tshwjxeeb heev. Nwg txi kaub-ob hom ntxiv, ib hlis txi ib hom. Hab cov nplooj ntawm tsob ntoo muaj txuja nuav yog siv lug khu txhua tsaav tuabneeg tej kev mobnkeeg.



Ntuj Ceebtsheej tsi taag muaj lub nub lossis lub hli lug ci pumkev. Vaajtswv lub fwjchim ci ntsaa ab ua pumkev zoo nkauj heev. Nwg tsi muaj mo ntuj ntawd le.



Txawm tej tsaj huv Ntuj Ceebtsheej los txawv hab.  
Tej tsaj puavleej tsi qus hab nyam tuabneeg. Maa  
hab yaaj noj zaub uake. Tug nam tsuv ntxhuav kws  
muaj zug heev los noj nroj zoo le tug nyuj.  
VAAJTSWV has tas, "Puab yuav tsi tum lossis  
sisrhuav huv Kuv lub roob kws dlawbhuv."



Thaum peb saib ncigleeg, peb pum has tas Ntuj  
Ceebtsheej tseem tsi muaj ntau yaam. Tsi muaj  
leejtwg has lug nyaum  
nyaum le. Tsi  
muaj leejtwg  
sibntaus  
lossis  
muabhlub.



Tej qhovrooj tsi muaj yumsij xauv, vim tsi muaj tubsaab nyob sau Ntuj Ceebtsheej. Tsi muaj leejtwg dlaag, tua tuabneeg, ua dlaab, lossis lwm hom tuabneeg phem.

Tsi muaj kev txhum ib yaam dlaabtsi huv Ntuj Ceebtsheej le.




Nrug Vaajtswv nyob huv  
Ntuj Ceebtsheej mas tsi lug  
kua muag ntxiv le lawm.  
Muaj ntau zag Vaajtswv cov  
tuabneeg huv nplajteb nuav  
quaj vim muaj kev tusab ntau  
yaam. Huv Ntuj Ceebtsheej,  
Vaajtswv yuav so txhua tug  
lub kua muag huv tuabsi.



Huv Ntuj Ceebtsheej tsi muaj kev tuag le hab.  
Vaajtsvv cov tuabneeg yuav nrug tug Tswv nyob  
moog ib txhis. Tsi muaj kev tusab, tsi muaj kev  
quaj, tsi muaj mob mob. Tsi muaj mob, tsi tuag, tsi  
muaj nteeg tuag.

Txhua tug  
huv Ntuj  
Ceebtsheej  
muaj kev  
zoo sab  
moog ib  
txhis nrug  
Vaajtsvv.



Qhov zoo tshaaj plawg yog, Ntuj Ceebtsheej yog tsim  
rua cov mivtub hab mivntxhais (hab cov laug hab) kws  
tub txais Yexus Khetos ua puab tug Cawmseej hab  
coj lawv le Nwg has hab ua puab tug Tswv. Huv Ntuj  
Ceebtsheej muaj ib phoo ntawv kws hu  
ua tug Mivnyuav Yaaj Phoo Ntawv Muaj  
Txuja. Muaj tuabneeg tej npe ntau  
ntau nyob rua huv. Koj puas  
paub leejtwg lub npe  
txhaj le sau nyob  
rua huv. Txhua tug  
tuabneeg kws ca  
sab rua Yesus.




Koj lub npe puas nyob huv?



Lu lug xaus huv phoo Vaajlugkub has ntsig txug  
Ntuj Ceebtsheej yog ib cov lug caw kws zoo kawg  
le. "Vaaj Ntsujplig hab tug Nkauj Nyaab has tas, 'Ca  
le lug ntawm nuav!' Txhua tug kws nov ca le has tas  
'Ca le lug ntawm nuav!' Tug kws nghes dlej ca le lug  
ntawm nuav.

Tug kws  
xaav haus  
ca  
le  
lug  
txais  
cov dlej  
cawm txujsa  
moog haus  
dlawb dlo xwb."



Ntuj Ceebtsheej, Vaajtswv lub  
Tsev kws Zoo Nkauj heev

Ib zaaj huv Vaajtswv Txujlug,  
phoo Vaajlugkub,

yog nyob rua huv

Yuhaas 14, 2 Kauleethaus 5,  
Tshwmsim 4, 21, 22

“Lub chaw rua Koj cov Lug nkaag kws muaj  
teeb ci.” Ntawv Nkauj 119:130





Qhov Xaus



Zaaj Vaajlugkub nuv qha peb txug peb tug Vaajtsvv  
zoo kawg nkaus kws tsim peb hab Nwg xaav kuam koj paub Nwg.

Vaajtsvv paub has tas peb tau ua ntau yaam phem, kws Nwg hu ua kev txhum. Txuj kev rau txim rua kev txhum yog kev tuag, tabsis Vaajtsvv hlub koj kawg le kws Nwg xaa Nwg tuitableeg Tub, Yexus, lug tuag sau ib tug Ntoo Khaublig hab raug rau txim hloov koj txuj kev txhum.

Tomqaab ntawd Yesus sawv rov lug muaj sa hab rov moog nyob nwg lub tsev sau Ntuj Ceebtsheej! Yog koj ntseeg Yesus hab thov kuam Nwg zaam koj tej kev txhum, Nwg yuav ua le ntawd! Nwg yuav lug nyob huv koj taamsim nuav, hab koj yuav nrug Nwg nyob moog le ib txhis.

Yog koj ntseeg has tas nuav yog qhov tseeb, ha le nuav rua Vaajtsvv: Aub Yesus, kuv ntseeg has tas Koj yog Vaajtsvv, hab lug yug ua ib tug tuabneeg lug tuag hloov kuv tej kev txhum, hab nwgnuav Koj tseem muaj sa nyob. Thov Koj lug nyob huv kuv lub neej hab zaam kuv tej kev txhum, sub kuv txhaj le muaj txujsa tshab taamsim nuav, hab ib nub moog nrug Koj nyob moog ib txhis. Thov paab kuam kuv noog Koj lug hab ua neej rua Koj le Koj tug mivnyuas. Amees.

Nyeem phoo Vaajlugkub hab nrug Vaajtsvv sibthaam txhua nub!  
Yuhaas 3:16

